



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Æstiva - A Dominica SS. Trinitatis, ad Dominicam decimamquintam  
post Pentecosten

**Haineuve, Julien**

**Coloniæ Agrippinæ, 1665**

Reginam sine regno dicimus, cum B. Virginem dicimus huius præcipuè  
regni Reginam, nobis non illi subjectis.

**urn:nbn:de:hbz:466:1-44226**

# EODEM DIE, AD HÆC PSALMISTÆ VERBA.

*Astitit Regina à dextris tuis, in vestitu deaurato,  
circumdatus varietate. Pf. 44.*

## VERITAS PRACTICA.

Reginam sine regno dicimus, cum Beatam Virginem dicimus hujus præcipue regni Regi-  
nam, nobis non illi subjectis.

**RATIO EST MANIFESTA.** Quia Regina sine regno esse dicitur si regnum ei non est  
subjectum.

Sed nobis non subjectum, regnum hoc non est subje-  
ctum Beate Virgini,

Ergo Reginam sine regno dicimus, cum illam dici-  
mus hujus præcipue regni Reginam, nobis non il-  
li subjectis. Quod est illi probrosum potius quam  
honorificum, ac proinde cavendum.

## L PUNCTUM.

**C**ONSIDERARI possent tituli qui-  
bus Beata Virgo verè Angelorum ac  
hominum Regina est. Primus Materni-  
tati, hoc ipso enim, inquit S. Joannes Da-

l. 4. de Fide  
c. 15.

mascenus, quo facta est mater Regum regum, & Do-  
mini Dominantium, facta est ipsa consorti Regni &  
Regina totius universi. Maria verum omnium ef-  
fecta est Domina, cum Creatoris mater exstitit.

Serm. de  
Deipara.

Expressius etiam S. Athanasius: Quandoquidem  
ipso rex, qui natus est de Virgine, demque Domi-  
nus & Deus; eapropter & Mater qua cum genuit  
& Regina & Domina proprie & verè censetur.

l. de Excell.  
Virg. c. 4.

Secundus titulus de sponsationis factæ à Spi-  
ritu sancto de qua sic S. Anselmus: Ipse Spiritus  
Dei venit in eam, singularique gratia præ omni-  
bus Reginam & Imperatricem cæli & terra, & o-  
mnium que in eis sunt, fecit sponsam suam.

Tertius titulus est, excellentiæ gratiarum &  
donorum spiritualium. Nam quæ excellent in  
uno genere, prima sunt illius generis, & ita di-  
cuntur regnare in cæteris quæ sub illo genere  
continentur, ut sint eorum regula & mensura,  
cui quantum se alia conformant, tam perfecta  
sunt in suo genere. Nemini autem est dubium  
quin cæteris omnibus creaturis rationalibus  
quæ sunt capaces gratiæ, sanctissima Virgo præ-  
cellat. Tanta est Virgo, inquit S. Chrysologus, ut

Serm. 140

quantus sit Deus satis ignores ille, qui hujus Vir-  
ginis mentem non stupet, animum non miratur. S.  
quoque Bernardus: Nihil tibi ò Domina aequale,  
nihil comparabile. Omne quod est, aut supra te, aut  
infra te est. Supra te solus Deus: infra te omne quod  
Deus non est.

Quartus est gloriæ, seu gloriôsæ dispensatio-  
nis gratiarum quæ talis est in Beata Virgine; ut  
nulla dicatur dari hominibus gratia, quæ per  
manus Mariæ non transeat. Sic aperte S. Bernardus  
affectu à nobis eam voluerit honorari qui totius  
boni plenitudinem possit in Maria: ut proinde si  
quid spes in nobis est, si quid gratia, si quid salutis  
ab ea noverimus redundare, quæ ascendis deliciis  
affluens. Totum ergo medullis cordium, totum præcor-  
diorum affectibus & votis omnibus Mariam hanc  
veneremur, quia sic est voluntas ejus qui totum  
nos habere voluit per Mariam.

In Nativ.  
B. Virg.

Quintus, Electionis cum quis in particulari  
aut plures universum consenserunt in electio-  
nem ejus ut sui ipsorum dominaretur, & se sua-  
que omnia velut Regina regeret; qualis electio  
singulari pietate Ludovici decimi tertij Gallo-  
rum Regis facta est anno millesimo sexcentesi-  
mo trigesimo septimo, in quam universi Galli  
tum libentissimè communibus omnium votis  
consenserunt, tum quot annis hac die, paribus a-  
nimis, consensum suum renovant & ratum fi-  
xum tenent.

O Galliæ dignitatem! ò Regni securitatem! ò  
Reginæ potentiam!

Verum quid dicimus, & quid facimus, cum  
illam facimus & dicimus Reginam nostram nisi  
nos illi perfectè subjiciamus? Reginam sine regno  
dicimus & facimus, quod certè est intoleran-  
dum?

Sic tamen est, & ratio tam evidens id demon-  
strat, ut mirum sit si non intelligamus, aut si in-  
tellegentes non aliter ejus honori prospiciamus.  
Tum enim manifestè Regina sine regno est, si  
quodcunque dicatur ejus regnum, non est ei sub-  
jectum, quod perinde est ac dicere si nullos ha-  
bet subjectos quibus imperet, si nullum habet  
locum ubi regnet. Quid clarius? Esto habeat jus

&



& fiat illi injuria si jure suo non utitur, interim tamen dum illo privatur, tam verè potest dici sine regno esse, quàm verum est illam nō regnare. Regina Vasthi est, regina nomine, nomen vacuum, inanis titulus; mera verba, res nulla. *Fa-  
Ha est quasi vidua Domina gentium.* Itane de Virgine sentiendum? Itane de illa Virgine quæ vera est Esther quæ nos morti destinatos liberavit?

Esther 1.  
Thren. 1.  
Esther, 15.

## II. PUNCTUM.

**S**ED nobis illi non subjecti, regnum hoc non est subjectum Beata Virgini.

Nos enim vel maximè sumus ejus regnum, nos ejus propriè servi & subditi sumus: nobis ut imperaret, Rex Christianissimus se suumque regnum, id est suos, id est, nos omnes dedit, dedit & cōsecravit. Tolle à regno homines, quid super sunt nisi feræ animantes, aut insensatæ creaturæ? Itane verò Virgini hæc sunt oblata, quando illi regnum oblatum est? Si per divinas gratias quarum illa est dispensatrix præcipuè regnat, ubi nam effundet gratias, nisi adsint qui soli gratiarum capaces sunt, homines? Nisi adsint humanæ voluntates quibus solis ditandis & regèdis dona cœlitus effunduntur? *Da mihi animas,* inquit illa, *cætera tibi tolle.* Tu verò è contra dices, tibi cuncta sunt, præter animas. Hoc si revera diceres, nonne nos diceres non illi esse subjectos; & nonne diceres, nobis illi non subjectis, regnum hoc illi non esse subditum, cum nos simus ejus regnum?

Luc. 19.

1/47.

*Noluerunt me regnare super se.* Id est, apud eos omnino non regnare. Sic loquuntur qui secundum Deum loquuntur, nam sublatis hominibus super quos regnent, non est ubi regnent. *Sede tæcens & intra in tenebras filia Chaldaeorum,* quia non vocaberis ultra Domina regnorum: Tollentur

scilicet à te regna, cum tollentur homines quibus dominando regnabas. Quid clarius ad intellectum? Quid acutius ad affectum?

## III. PUNCTUM

**R**EGINAM igitur sine regno dicimus eam B. Virginem dicimus hujus præcipuè regni reginam; nobis non illi subjecti, Qui regnum ejus sumus in quibus omnibus aut regnet necesse est, aut in hoc regno non plenè regnet. *Qui creavit me,* ait illa, *requievi in tabernaculo meo, & dixi mihi in iacob inhabitare, & in israel hereditare, & in electu meo mitte radices.* In quibus verbis tria sunt notatu digna; primum est quod ab ipso Deo què genuit jus regnandi accepit. Secundum deinde est quod regnum ejus est in Jacob, in israel, id est, in homines. Tertium deniq; quod his in quibus regnat, divinæ signum est electionis; *In electu,* inquit, *meo mitte radices æternæ scilicet vitæ.* Sic illa paulò post supra dicit: *In me gratia omni via & veritas, in me omnis spes vitæ & virtutis. Transite ad me omnes qui concupiscitis me, & à generationibus meis implemini: Spiritus enim meus super mel dulcis, & hereditas mea super mel & favum.* Id est, nihil grave & molestum in regno meo, cum in id potius regnem ut si quid esset grave, mitigarem. *Transite verò ad me,* emphaticum est & energeticum verbum: q. d. Transite à voluptate ad virtutem, à libidine ad rationem: à natura depravata ad gratiam: à lege mortis ad legem vitæ: ab ancilla quæ est caro indomita, ad Regionam vestram quæ & Mater vestra est, nihil ut in ea timeatis austerum.

Ecc. 24.

16.

Vide quid obftet quo minus in te regnet, neque hinc discas quin verè ei dicas quod est in Scriptura; *Dominare nos frater & Filius tuus.*

1ud. 3.

Vide & in Fcsto Annuntiationis, in 2. parte.

EODEM DIE, AD HÆC  
SALOMONIS VERBA.

*Pete mater mea: neque enim fas est ut avertam faciem  
tuam.* 3. Reg. 21

## VERITAS PRACTICA.

Quam Christus in Matrem pius est, concedendo illi omnia: tam sumus impij negando quod postulat.

**RATIO EST,** Quia idcirco Christus concedit Matri omnia quia ejus filius est; & quia pius est sic filium Matri concedere quidquid petit. Sed nos etiam sumus ejus filij; & à nobis nonnulla postulat quæ denegare filios Matri tam impium est, quàm esset pius illi concedere.

Ergo